

آبونه شرائطی

ممالك عثمانیه ده سنه لکی (۶۵) ، التي
آیلنی (۳۵) غروشد .
ممالك اجنبیه ده سنه لکی (۱۷) ، التي
آیلنی (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی پشیندر .

§

مسئله موافق آثار مع الممنونیه قبول
اولنر . درج ایدله یں یازیلر اعاده
اولونماز .

الکلیت

۱۳۳۰

دینی، فلسفی، علمی، ادبی، هفته لقی مجموعه اسلامیہ در.

والله یهدی من یشاء الی صراط مستقیم

صاحب و مدیر مسئول: ع. اشرف ادیب

اتبعون اهدکم سبیل الرشاد

عدد ۳۵۶

۲۷ شعبان ۱۳۳۲

پنجشنبه

۱۰ تموز ۱۳۳۰

جلد ۱۲

اخطارات

رساله مزدن آندیغی کوسترلک شرطیله
بتون یازیلری هرهانکی برغز ته طرفندن
اقتباس اولونه بیلیر .

§

مکتوبلرک، امضالرک واضح و اوقوناقلی
اولسی و آبونه صره نومروسى محتوی
بولونمسی لازمدر .

§

ممالك اجنبیه ایچسون آبونه اولانلرک
آدرسارینک قرائسزجه ده یازلمسی رجا
اولنور .

§

پاره کوندرلدیکی زمان نهیه دائر اولدیغنک
واضحاً بیلدیلمسی رجا اولنور .

حدیث شریف

عن سلمان رضی الله عنه قال خطبنا رسول الله صلى الله عليه وسلم في آخر يوم من شعبان قال يا ايها الناس قد اظلمكم شهر عظيم مبارك فيه ليلة خير من الف شهر . شهر جعل الله صيامه فريضة وقيام ليله تطوعاً من تقرب فيه بخصلة كان كمن ادى فريضة فيما سواه ومن ادى فريضة فيه كان كمن ادى سبعين فريضة فيما سواه وهو شهر الصبر والصبر ثوابه الجنة وشهر المواساة وشهر يزاد في رزق المؤمن فيه من فطر فيه صائماً كان مغفرة لذنوبه وعتق رقبته من النار وكان له مثل اجره من غير ان ينقص من اجره شيء قالوا يا رسول الله ليس كلنا يجد ما يفطر الصائم . فقال رسول الله صلى الله عليه وسلم يعطى الله هذا الثواب من فطر صائماً على تمر او شربة ماء او مذقة لبن . وهو شهر اوله رحمة واوسطه مغفرة و آخره عتق من النار . من خفف عن مملوكه فيه غفر الله له واعتقه من النار فاستكثرها فيه من اربع خصال : خصلتين ترضون بهما ربكم وخصلتين لا غناء بكم عنهما . فاما الخصلتان اللتان ترضون بهما ربكم فشهادة ان لا اله الا الله وتستغفرونه واما الخصلتان اللتان لا غناء بكم عنهما فتسألون الله الجنة وتعوذون به من النار . ومن سقى صائماً سقاء الله من حوضي شربة لا يظماً حتى يدخل الجنة . رواه ابن خزيمة في صحيحه ثم قال صح الخبر .

مال شریفی

سلمان (فارسی) رضی الله عنہ شویله دیدیکی روایت اولونیور : رسول الله صلى الله عليه وسلم اقدم (بر کره) شعبانك صوكنجی کوننده بزه بر خطبه ایراد ایتدیلر . بویوردیلر که : «ای ناس، بویوک، مبارک بر آی (یا قلاشدی) ؛ کولکه سی باشکزه دکدی . اوپله بر آی که بیک آیدن دها خیری اولان (بویوک) کیجه اونده در . اوپله بر آی که الله عزوجل حضرتلری اوروجنی فرض ، کیجه نمازینی نافله (تطوع) قیلمشدر . بوآیده هرکیم (جناب حقه) بر خصلت (جیله) ایله تقرب ایدرسه باشقه برآیده بر فرض ادا ایتمش کی اولور . بوآیده هرکیم بر فریضه ادا ایتسه باشقه برآیده یتمش فریضه ادا ایتمش کی اولور . بوآی صبر آیدر . صبرک ایسه ثوابی جنتدر . بوآی مؤاسات (یاردیم) آیدر . بوآی مؤمنک رزقی آرتیریللاجق آیدر . بوآیده هرکیم بر صائمه افطار ایده جک شی ویریرسه (بویایدینی ایش) کناهلرینه وسیله مغفرت ، آتشدن آزاد اولماسنه سبب اولدینی کی - اوصائمک اجرندن هیچ برشی اکسیلمکسزین - اونک اجری قدر اجره نائل اولور . » (اصحابدن بعضلری) : « یارسول الله ، هیمز صائمه افطار ایده جک شیئی بولوب ویره بیله جک حالده دکدر . » دیدیلر . بونک اوزرینه رسول الله صلى الله عليه وسلم بویوردیلر که : « الله تعالی بو ثوابی برتک خرما ایله ، بر ایچیم صوایله ، بر یودوم سود ایله بر صائمه افطار ایتدیرمه ویریر . بو اوپله برآیدر که

اولی رحمت ، اورتاسی مغفرت ، صوکی آتش جهنمدن آزادلقدرد . بوآیده هرکیم مملوکنک ایشی تخفیف ایدرسه جناب حق آنی مغفور و آتشدن آزاد ایدر . اوپله ایسه بوآیده (شوسویله جکم) دورت خصلتی زیاده جه بولوندیرمایه چالیشکز . (اودورت خصلت که) ایکسی ایله ربکزی راضی قیلارسکز . دیگر ایکسندن ایسه هیچ بروقنده مستغنی اولامازسکز . ربکزی ارضایه سبب اولان خصلتک بری (لا اله الا الله) شهادتیدر . دیگرى اللهدن مغفرت دیله مکدر . مستغنی اولامیاجفکز ایکی خصلتک ایسه بری الله تعالادن جتنی دیله مک ، دیگرى آتشدن الله تعالی یه صیغیمقدر . کذلک هرکیم بر صائمه (بر ایچیم) صو ویریرسه الله تعالی اوکا بنم حوضمدن اوپله بر صو ایچیره جکدر که جتنه کیرنجیده قدر (بردها) صوسزلق نه در بیلیمه جکدر .

بو حدیث شریفی ابن خزیمه صحیحنده روایت ایتمش و : « بو خبر صحیحدر » دییه صحتی بیان ایتمشدر .

احمد نعیم

فقہ و فتاوی

جو زک حکم شرعی اولوب اولمدینی

۴

تایا - محرر محترمک « جواز حکم شرعی دکدر » دعواسنی اثبات صدندنه ایراد ایتدیکی دلیلک اصل تانیسی « قانون افعال و حرکات تقیید ایتک ایچون وضع انور » قضیه سی ایدی .

فی الواقع کتب حق قیوده بیان اولدیغنه کوره قانون بتون افرادک مکلف اولدینی قواعدک هئت مجموع - ایدر . قانون ، حقوق مکنونیه مرادفو - حقوق موضوعه نیک بر قسمی در .

اصل تانی حقه منقشه ده ولونمی بک اوزون اوله جنی جهته محرر محترم ایله برار اصل تانی قبول ایده جکدر .

فقط اصل اولی یعنی « شریعت محافظه نظام و انتظام مقصدیله وضع و تأسیس اولومشددر » قضیه سنی علمی اوله رق قبول ایده میه جکدر . چونکه فلسفه جدیدده بیان اولدینی وجهله بر قضیه دلیله مقرون اولماقجه علمی اوله ماز . دلیل ، بدیهی اولیان تصایانک قضایای علمیه اولمسی ایچون شرط ضروری در . بدیهی اولیان دعوی بلادلیل ذکر اولونورسه تحکم اولور .

محرر محترم نظری اولان « جواز حکم شرعی دکدر » دعواسنی دلیله مقرون قیلمش ایسده دلیلک صغراسی بولمان اصل اول نظری ، محتاج اثبات اولمغه علماً . منطقاً بالدلیل اثبات اولونمی لازم ایکن ، اصل اولی اثبات ایتبورده دعوی مجردده بولنیور . بوجهت کویا مسلم ،